

"Мемлекеттік және мемлекет кепілдік берген қарыз алу мен борыш туралы" Қазақстан Республикасының Заңына өзгерістер мен толықтырулар енгізу туралы

Қазақстан Республикасының 2003 жылғы 2 шілдедегі N 443-ІІ Заңы

"Мемлекеттік және мемлекет кепілдік берген қарыз алу мен борыш туралы" 1999 жылғы 2 тамыздағы Қазақстан Республикасының Заңына (Қазақстан Республикасы Парламентінің Жаршысы, 1999 ж., N 21, 784-құжат; 2001 ж., N 21-22, 282-құжат) мынадай өзгерістер мен толықтырулар енгізілсін:

1) Заңның бүкіл мәтіні бойынша "Қазақстан Республикасының Қаржы министрлігі", "Қазақстан Республикасының Қаржы министрлігімен", "Қазақстан Республикасының Қаржы министрлігінде", "Қазақстан Республикасының Қаржы министрлігіне", "Қазақстан Республикасының Қаржы министрлігінің" деген сөздер тиісінше "бюджетті атқару жөніндегі уәкілетті орган", "бюджетті атқару жөніндегі уәкілетті органмен", "бюджетті атқару жөніндегі уәкілетті органда", "бюджетті атқару жөніндегі уәкілетті органға", "бюджетті атқару жөніндегі уәкілетті органның" деген сөздермен ауыстырылсын;

2) 1 - б а п т а :

4) тармақшадағы ", жергілікті атқарушы органдарының" деген сөздер алып т а с т а л с ы н ;

18) тармақша мынадай редакцияда жазылсын:

"18) банктің кепілдігі - заем алушы заем туралы шарт (келісім) бойынша өзі төлеуге тиесілі соманы белгіленген мерзімде төлемеген жағдайда екінші деңгейдегі банктің (банктердің) немесе шетелдік банктің (банктердің) бюджетті атқару жөніндегі уәкілетті органның алдындағы мемлекеттік емес заем бойынша берешекті өтеу жөніндегі м і н д е т т е м е с і ; "

21) тармақша алып тасталсын;

3) 4 - б а п т а :

2-тармақтың 3) тармақшасы "оларға қызмет көрсету және өтеу," деген сөздерден кейін "мемлекеттік кепілдіктер беру үшін инвестициялық жобаларды іріктеу," деген с ө з д е р м е н т о л ы қ т ы р ы л с ы н ;

4-тармақтың 1) және 8) тармақшалары алып тасталсын;
мынадай мазмұндағы 4-1-тармақпен толықтырылсын:

"4-1. Бюджеттік жоспарлау жөніндегі уәкілетті орган:

1) мемлекеттік және мемлекет кепілдік берген қарыз алу мен борыш саясатын ө з і р л е у г е қ а т ы с а д ы ;

2) мемлекеттік және мемлекет кепілдік берген қарыз алу мен борышты жоспарлау

мен талдауды жүзеге асырады.";
 б - т а р м а қ т а :

1) тармақша мынадай редакцияда жазылсын:

"1) жергілікті өкілді органға жергілікті инвестициялық жобаларды қаржыландыру үшін, сондай-ақ Қазақстан Республикасының бюджет заңдарында көзделген басқа да мақсаттарға ішкі заемдарды тарту қажеттігі туралы ұсыныстар енгізеді;"

3) тармақшадағы "сыртқы" деген сөз "ішкі" деген сөзбен ауыстырылсын;

4) 6-баптың төртінші бөлігі мынадай редакцияда жазылсын:

"Жергілікті атқарушы органдардың мемлекеттік қарыз алуы жергілікті инвестициялық жобаларды қаржыландыру мақсатында, сондай-ақ Қазақстан Республикасының бюджет заңдарында көзделген басқа да мақсаттарда жүзеге асырылады.";

5) 9 - б а п т ы ң 3 - т а р м а ғ ы н д а :

бірінші бөліктегі "қарыз алу және борыш лимиттерімен" деген сөздер "тиісті қаржы жылының аяғындағы борыш лимитімен" деген сөздермен ауыстырылсын;

екінші бөліктегі бірінші сөйлем алып тасталсын;
 мынадай мазмұндағы үшінші бөлікпен толықтырылсын:

"Жергілікті атқарушы органдардың сыртқы заемдар тартуына жол берілмейді.";

6) 10-баптың 3-тармағының бірінші бөлігі мынадай редакцияда жазылсын:

"3. Жергілікті атқарушы органның заемдары бойынша алынған қаражат жергілікті инвестициялық жобаларды қаржыландыруға, сондай-ақ Қазақстан Республикасының бюджет заңдарында көзделген басқа да мақсаттарға жұмсалады және тиісті жылға арналған жергілікті бюджеттің атқарылу тәртібімен пайдаланылады.";

7) 14-баптың 1) тармақшасы мынадай редакцияда жазылсын:

"1) өтеу және қызмет көрсету көлемдері, үкіметтік борыш пен жергілікті атқарушы органдар борышының, мемлекеттік кепілдік берудің лимиттері белгіленетін көрсеткіштерді жыл сайын нақтылау және айқындау арқылы мемлекеттік және мемлекет кепілдік берген қарыз алу мен борыштың жай-күйін жыл сайын бағалау және алдағы үш жылдық кезеңге арналған болжам. Бұл құжатты әзірлеуді бюджеттік жоспарлау жөніндегі уәкілетті орган бюджетті атқару жөніндегі уәкілетті органмен және Қазақстан Республикасының Ұлттық Банкімен бірлесе отырып, елді экономикалық дамытудың орта мерзімді болжамы, жинақталған мемлекеттік және мемлекет кепілдік берген борыштың көлемдері мен құрылымы, несие капиталы рыногындағы өзгерістер болжамы негізінде жүзеге асырады;"

8) 16-баптың бесінші бөлігі алып тасталсын;

9) 18-бап мынадай мазмұндағы екінші бөлікпен толықтырылсын:

"Мемлекеттік кепілдіктерді беру лимитінің көлемі осы лимит белгіленген тиісті жылдың шегінде ғана пайдаланылуы мүмкін.";

10) 20-баптың 1-тармағында:

2) және 3) тармақшалар мынадай редакцияда жазылсын:

"2) Қазақстан Республикасының тиісті кезеңге арналған мемлекеттік кепілдіктері бар мемлекеттік емес заемдар қаражатының есебінен қаржыландыруға ұсынылатын инвестициялық жобалардың тізбесіне енгізілген жобалардың орындалуын жүзеге асыруы ;

3) банктік қадағалау саласындағы уәкілетті органның келісімі бойынша бюджетті атқару жөніндегі уәкілетті орган белгілейтін заемдардың қайтарылуын қамтамасыз ету талаптарын қанағаттандыратын банктік кепілдіктің болуы;"

мынадай мазмұндағы 3-1), 3-2), 3-3) және 3-4) тармақшалармен толықтырылсын:

"3-1) салалық уәкілетті органның оң қорытындысы болуы;

3-2) бюджетті атқару жөніндегі уәкілетті органның оң қорытындысы болуы;

3-3) экономикалық жоспарлау жөніндегі уәкілетті органның оң қорытындысы болуы ;

3-4) бюджеттік жоспарлау жөніндегі уәкілетті органның оң қорытындысы болуы;"

мынадай мазмұндағы екінші бөлікпен толықтырылсын:

"Мемлекеттік кепілдік алуға үміткер заңды тұлғалар экономикалық жоспарлау жөніндегі уәкілетті органға өтінім, сондай-ақ салалық уәкілетті органға және бюджетті атқару жөніндегі уәкілетті органға олардың қорытындылар әзірлеу үшін қажетті құжаттар табыс етеді. Бұл орайда салалық уәкілетті орган мен бюджетті атқару жөніндегі уәкілетті орган құжаттар берген заңды тұлғаларға және ұсынылған қорытындыларды жинақтауды және экономикалық талдауды жүзеге асыратын экономикалық жоспарлау жөніндегі уәкілетті органға тиісті қорытындылар жіберуге міндетті.";

11) 21-бап мынадай редакцияда жазылсын:

"21-бап. Мемлекеттік кепілдіктер беру үшін инвестициялық жобаларды іріктеу

Мемлекеттік кепілдіктер беру үшін инвестициялық жобаларды іріктеуді экономикалық жоспарлау жөніндегі уәкілетті орган Қазақстан Республикасының Үкіметі белгілеген тәртіппен Қазақстан Республикасының мемлекеттік кепілдіктері бар мемлекеттік емес заемдар қаражатының есебінен қаржыландыруға ұсынылатын инвестициялық жобалардың тізбесін жыл сайын қалыптастыру жолымен жүргізеді.

Қазақстан Республикасының мемлекеттік кепілдіктері бар мемлекеттік емес заемдар қаражаты есебінен қаржыландыруға ұсынылатын инвестициялық жобалардың тізбесін Қазақстан Республикасының Үкіметі бекітеді және ол жариялануға тиіс.;

12) 24-баптың бірінші бөлігіндегі "ол белгілеген тәртіппен" деген сөздер алып тасталсын;

13) 25-бап мынадай мазмұндағы екінші бөлікпен толықтырылсын:

"Қазақстан Республикасының Үкіметі заем туралы шарттың (келісімнің)

талаптарына сәйкес және кредитордың келісімімен мемлекет кепілдік берген заемды Қазақстан Республикасының заңдарына сәйкес банкрот деп танылған және (немесе) таратылған заем алушы үшін мерзімінен бұрын өтеуді тиісті қаржы жылына арналған республикалық бюджетте көзделген қаражат есебінен мемлекеттік кепілдіктерді орындау жолымен жүзеге асыруға құқылы.";

14) мынадай мазмұндағы 25-2-баппен толықтырылсын:

"25-2-бап. Мемлекет кепілдік берген заем бойынша заем алушыны ауыстыру

Мемлекет кепілдік берген заем бойынша заем алушыны Қазақстан Республикасы Үкіметінің шешімі қабылданған жағдайда заем туралы шарт (келісім) тараптарының келісімі бойынша ауыстыруға жол беріледі.

Мемлекет кепілдік берген заем бойынша заем алушы ауыстырылған жағдайда бюджетті атқару жөніндегі уәкілетті орган кредитордың талабы бойынша Қазақстан Республикасы Үкіметінің шешімі негізінде мемлекеттік кепілдікті ауыстыруы немесе

р а с т а у ы м ү м к і н .

Бұл ретте кепілдік берілетін заем сомасы бұрын берілген мемлекеттік кепілдік бойынша заемның сомасынан аспауға тиіс. Жаңадан берілген мемлекеттік кепілдікке осы Заңның 18-бабының бірінші бөлігінде белгіленген шектеулер қолданылмайды.";

1 5) 2 6 - б а п т а :

4) тармақша мынадай редакцияда жазылсын:

"4) ол заем құрылымын өзгерту және (немесе) мемлекет кепілдік берген заем бойынша заем алушыны ауыстыру кезінде жаңасымен ауыстырылса;"

мынадай мазмұндағы 5) тармақшамен толықтырылсын:

"5) Қазақстан Республикасының Үкіметі осы Заңның 25-бабының екінші бөлігіне сәйкес мемлекет кепілдік берген заемды мерзімінен бұрын өтеуді жүзеге асырса, қолданылуын тоқтатады.";

16) 28-баптың екінші бөлігіндегі "қарсы кепілдік берген екінші деңгейдегі" деген сөздер "кепілдік берген" деген сөздермен ауыстырылсын;

17) Қазақ тіліндегі мәтінде 33-бап өзгермейді.

Қ а з а қ с т а н Р е с п у б л и к а с ы н ы ң

Президенті